

MINUTES OF THE MEETING OF KHAWZAWL DISTRICT DISASTER MANAGEMENT AUTHORITY AND KHAWZAWL TOWN VILLAGE LEVEL TASK FORCE IN CONNECTION WITH COVID-19 INDUCED RESTRICTIONS TO BE IMPLEMENTED IN KHAWZAWL DISTRICT, HELD IN DEPUTY COMMISSIONER'S OFFICE CONFERENCE HALL ON 06.09.2021 AT 3:00 PM

Khawzawl, the 7th September, 2021

Meeting hi Pu C.C. Lalchhuangkima, Deputy Commissioner, Khawzawl District in a kaihruai a. Meeting-ah hian DDMA member leh Khawzawl Town VLTF aiawhte bakah District Education Officer aiawh leh President, Sub-Headquartes YMA, Khawzawl te chu sawm tel an ni. Meeting-a telte hming list chu thiltel a ni.

Chairman in member te lawmna thu sawiin, Khawzawl District-a Covid-19 vanga inkhuahkhirhna kalpui dan tur rel tura meeting koh a ni tih a tarlang a. Member-ten zau tak leh thahnemngai taka an sawiho hnuin a hnuai a tarlan ang hian thutlukna siam a ni.

1. Restricted Area chungchang:

Khawzawl Town chhunga Mass testing kalpui mekah positivity rate 0.19% chauh a ni chu thil lawmawm tak a nih thu meeting-ah hian tarlan a ni a. Tun dinhmuna Khawzawl District-ah Covid-19 positive hmuhchhuah belh zel la ni mah se, he hri la hmuh chhuah lohna leh hrikai la tlemna khua leh vengte chu hnathawh phalsak a, eizawna hrang hrang kalpui thei tura inkhuahkhirhna awmze nei kalpui a tul tih tarlan a ni.

Tun dinhmuna Covid-19 hrikai tamna Biate, Khawzawl Vengthar leh Chawngtlai te chauh Restricted Area-a puan chhonzawm nise tiin rel a ni.

2. District pumpuia Covid-19 inkhuahkhirhna kalpui dan tur chungchang

Khawzawl District-a Covid-19 vanga inkhuahkhirhna kalpui mek chu ennawn niin a hnuaia tarlante hi tihdanglam a ni:

Sl. No.	Activities	Restricted Area	Hmun dang
1	Zing exercise (walk, tlan, cycling etc.)	Phal loh	Zing dar 5:00 – 7:00 inkarah phal a ni. Punkhawm phal loh.
2	Sports practice (indoor & outdoor)	Phal loh	Phal loh
3	Lirthei workshop leh tyre works, Courier Service, e-Commerce leh home delivery	Hawn phal loh	Nitin (5:00 am to 5:00 pm)

Sl. No.	Activities	Restricted Area	Hmun dang
4	Hmasawwnna hna (mimal leh sawrkar) Eg. In sak, quarry-a lung lak, kawng laih leh maintain, lei dawh, tui lak, adt.	<p>Mass testing neih tawhna hmunahnte chuan a hnuaia mi ang hian hnathawh phal a ni:</p> <ul style="list-style-type: none"> i) Hnathawktute chu Mass testing neih tawhna hmuna cheng an ni tur a ni. ii) Zing dar 9:00 leh tlai dar 5:00 inkarah an khawsakna leh an hnathawhna hmun inkara veivah phal loh. iii) Hmunkhatah mi 5 (panga) aia tam thawh phal loh. iv) Quarantine laite bakah positive contact te nena lo inhnimhnai lehchhawngte pawh hnathawhna hmunah hian tel loh tur a ni. v) Hnathawktute leh a chhawrtuten an awmna veng/khua VLTF phalna lak hmasak tur a ni. 	<p>A hnuaia mi ang hian phal a ni.</p> <ul style="list-style-type: none"> i) Hnathawktute chu zing dar 9:00 leh tlai dar 5:00 inkarah an khawsakna leh an hnathawhna hmun inkara veivah phal a ni lo. <p>Hmunkhatah mi 30 (sawmthum) aia tam thawh phal loh.</p>
5	Lo leh huan, ran vulh (farm), sangha dil adt.	<p>Mass testing neih tawhna hmuna chengte tan a hnuaia tarlan ang hian hnathawh phal a ni:</p> <ul style="list-style-type: none"> i) Zing dar 9:00 hmain khawchhung chhuahsan tur a ni a, tlai dar 5:00 hmain khawchhungah let loh tur a ni. ii) Hnathawka chhuak turten an awmna veng VLTF phalna lak hmasak tur a ni. 	Hnathawh phal a ni.
6	Gym	Hawn phal loh	Hawn phal loh
7	Sakhaw Biak leh inkhawm	Phal loh	Phal loh

Sl. No.	Activities	Restricted Area	Hmun dang
8	Kohhran Rorel inkhawmpui (Bial inkhawmpui)	Phal loh	Phal loh
9	Zirna in	Hawn phal loh	Hawn phal loh
10	Aganwadi	Nutrition sem phal a ni	Nutrition sem phal a ni

Ni 08.09.2021 zing dar 4:00 atanga Khawzawl District-a hman tur Order kimchang chu Deputy Commissioner, Khawzawl District in a tichhuak ang.

(Action: DC, Khawzawl)

(Note: Khawzawl District-a Covid-19 vanga inkhuahkhirhna kalpui dan tur Order hi Deputy Commissioner's Officer Order No.J.12019/17/2021-DC(KZL)/VOL-XIV dated 07.09.2021 kaltlangin tihchhuah a ni).

3. Restricted Area-a chhuanchham leh chhuanchham dinhmuna ding mai thei te chungchang:

Restricted Area-a puan mek heng – Khawzawl Town, Biate leh Chawngtlai ah te Covid-19 inkhuahkhirhna vanga hna thawk thei lo, chhuanchham leh chhuanchham dinhmuna ding mai thei chhungkaw 386 an awm tih tarlan a ni a. Heng chhungkaw harsa zualte hi Chief Minister's Relief Fund atanga tanpui nise tiin rel a ni. Tanpuina pek tur leh pek dan tur chu DC office in ruahmanna a siam ang.

Tin, hemi atana a remchan anga sumfai thawh turin District Disaster Management Authority hminga Khawzawl Officers Club ngen nise tih a ni bawk.

(Action: DC, Khawzawl)

4. Khawzawl Police in Covid-19 dona atana mamawh an thehluk chu Deputy Commissioner, Khawzawl District in Additional Superintendent of Police hnenah a hlan bawk.

Chairman in member te lawmthu hrilhin meeting tihtawp zui a ni.

Sd/- C.C. LALCHHUANGKIMA

Deputy Commissioner

&

Chairman

District Disaster Management Authority
Khawzawl District, Khawzawl

Memo No.J.12019/17/2021-DC(KZL)/VOL-XIV:Khawzawl the 7th September, 2021

Copy to:

1. All members present.
2. Website Manager, DC's Office for uploading it in office website.
3. Office Copy.



Deputy Commissioner
&
Chairman
District Disaster Management Authority
Khawzawl District, Khawzawl